

BOSNA I HERCEGOVINA



Ministarstvo za ljudska prava i izbjeglice
Ministry for human rights and refugees

Broj: DA-50-3348/08
Sarajevo, 29.09.2008.godine

CENTAR ZA ISTRAŽIVAČKO NOVINARSTVO
Ferhadija br. 27/ I Sarajevo

PREDMET: Odgovor na Vaš zahtjev za podacima o komisijama i radnim tijelima
Ministarstva za ljudska prava i izbjeglice BiH, dostavlja se

Komisije koje je imenovalo Ministarstvo za ljudska prava i izbjeglice BiH i komisije koje su imenovale druge institucije BiH u vezi su sa nadležnostima ovog Ministarstva su sljedeće:

I Komisija za izbjeglice i raseljene osobe Bosne i Hercegovine

Na osnovu Zakona o izbjeglicama iz BiH i raseljenim osobama u BiH ("Službeni glasnik BiH", br. 23/99, 21/03 i 33/03) Komisiju imenuje Predsjedništvo BiH. Komisija se sastoji od devet članova, od kojih su po tri iz reda svakog od konstitutivnih naroda BiH. Ministarstvo za ljudska prava i izbjeglice, uz saglasnost Vijeća ministara BiH predlaže četiri člana, vlade entiteta predlažu po dva člana, a Vlada Brčko Distrikta BiH predlaže jednog člana. Ministar za ljudska prava i izbjeglice je po funkciji član Komisije.

Članovi Komisije su:

1. Slavko Marin, zamjenik ministra za ljudska prava i izbjeglice, predsjednik Komisije
2. Dr. Safet Halilović, ministar za ljudska prava i izbjeglice, član Komisije,
3. Dragomir Kovač, sekretar Ministarstva za ljudska prava i izbjeglice, član Komisije,
4. Davor Čordaš, potpredsjednik Republike Srpske, član Komisije,
5. Mihajlo Jovanović, predstavnik Vlade Brčko Distrikta BiH, član Komisije,
6. Omer Branković, ministar za izbjeglice i raseljena lica u Vladi Republike Srpske, član Komisije,
7. Miladin Dragičević, savjetnik predsjednika Vlade Republike Srpske, član Komisije
8. Edin Mušić, ministar za izbjeglice i raseljene osobe u Vladi Federacije Bosne i Hercegovine, član Komisije,
9. Nevenko Herceg, ministar u Vladi Federacije Bosne i Hercegovine, član Komisije.

Zakonske nadležnosti Komisije su sljedeće:

- odobravanje projekata rekonstrukcije i povratka koje Ministarstvo za ljudska prava i izbjeglice prikupi i prosljedi Komisiji na razmatranje,
- odobravanje zajedničkih projekata koji će se realizirati kroz Fond za povratak,
- izdavanje ovlaštenja za finansijsku realizaciju odobrenih projekata rekonstrukcije putem Fonda za povratak,
- nadzor nad finansijskom realizacijom odobrenih projekata rekonstrukcije,

-davanje smjernica prilikom izrade podzakonskih akata kojima se regulira rad Fonda za povratak,

-razmatranje kvartalnih i privremenih izvještaja Fonda za povratak.

Članovi Komisije za izbjeglice i raseljene osobe Bosne i Hercegovine nisu u 2007.godini i 2008.godini primali novčanu naknadu za rad u Komisiji. Novčanu naknadu nisu primali ni sekretar Komisije niti zaposleni u ovom Ministarstvu koji pružaju administrativno-tehničku logistiku radu Komisije.

Komisija održava sjednice prema programu rada a krajem kalendarske godine podnosi izvještaj koji je sastavni dio izvještaja Ministarstva za jednogodišnji period. Izvještaj razmatra i usvaja Vijeća ministara BiH.

II. Komisija za nabavke Ministarstva

Komisiju imenuje ministar na osnovu člana 7. Zakona o javnim nabavkama BiH (Službeni glasnik BiH", br.49/04).

Članovi Komisije za nabavke su:

1. Zoran Dakić, pomoćnik ministra, predsjedavajući Komisije
2. Ruzmira Gaco, stručni savjetnik, član Komisije,
3. Ivica Kovačević, šef Kabineta zamjenika ministra, član Komisije
4. Salih Karčić, samostalni referent, sekretar Komisije.

Komisija se imenuje na period od jedne godine radi provođenja javnih nabavki za potrebe ovog Ministarstva u skladu sa usvojenim godišnjim budžetom. Postupci nabavki su propisani Zakonom o javnim nabavkama BiH. Otvoreni postupak za robe i usluge čija vrijednost prelazi 30.000KM, konkurentni postupak za vrijednosti roba i usluga od 3.000KM do 30.000KM i direktni sporazum za robe i usluge čija vrijednost iznosi manje od 3.000KM.

U 2007. godini Komisija za nabavke je provela sve postupke javnih nabavki za koje su bila predviđena budžetska sredstva. Od usvajanja budžeta za 2008.godinu do 30.09.2008.godine Komisija za nabavke je pokrenula otvoreni postupak za nabavku 4 terenska vozila, za nabavku tehničke opreme (kompjuteri, printeri, kopir aparati), i za nabavku euro dizela i bezolovnog benzina za službena vozila Ministarstva.

U 2008.godini pokrenut je konkurentni postupak za izbor najpovoljnijih firmi za internet usluge, nabavku avio karata, te izbor agencije za poslove na registraciji i osiguranju službenih vozila Ministarstva. Komisija za nabavke je u 2008.godini na osnovu direktnog sporazuma izvršila izbore davaoca usluga za učesnike seminara, savjetovanja i radionica iz nadležnosti Ministarstva na kojima su učestvovali članovi Odbora za Rome BiH, Vijeća za djecu BiH, predstavnici BiH dijaspore, predstavnici Agencije za ravnopravnost polova BiH i GENDER centara, zatim za članove radnih grupa koje su pripremale materijale za Vijeće ministara BiH na temu sprečavanja nasilja u porodici, stambenog zbrinjavanja Roma i ravnopravnosti polova. Navedeni Seminari i druge forme rada organizovane su u Sarajevu, Banja Luci, Mostaru, Neumu i na Bjelašnici.

Članovima Komisije za nabavke je do 30. 06. 2007.godine isplaćivana naknada u iznosu od po 250KM mjesečno, a od 01.07.2007.godine do 30.09.2008.godine naknade za rad članovima Komisije za nabavke nisu isplaćivane, iako su sastanci održavani izvan radnog vremena.

III. Komisija Ministarstva za ljudska prava i izbjeglice BiH za interventnu pomoć povratnicima

Komisija Ministarstva za ljudska prava i izbjeglice BiH za interventnu pomoć povratnicima imenovana je na osnovu Člana 5. Pravilnika o procedurama realizacije interventne pomoći namijenjene za hitno rješavanje održivog povratka raseljenih lica, povratnika i izbjeglica iz BiH ("Službeni glasnik BiH", br:67/08) sa mandatom od godinu dana.

Članovi Komisije su sljedeći:

- 1.Zoran Dakić,pomoćnik ministra predsjedavajući Komisije,
- 2.Mujo Jejna,pomoćnik ministra član Komisije,
- 3.Mario Nenadić,pomoćnik ministra,član Komisije,
- 4.Šefik Rizvanović,savjetnik ministra sekretar Komisije.

Komisija Ministarstva za interventnu pomoć povratnicima razmatra obrađene zahtjeve i mišljenja za interventnu pomoć koje priprema Sektor za izbjeglice, raseljene osobe i stambenu politiku i prijedloge za dodjelu interventne pomoći povratnicima upućuje ministru.

IV. Državna komisija za ispitivanje istine o stradanjima Srba,Hrvata,Jevreja i ostalih u Sarajevu u period od 1992.godine do 1995.godine.

Državnu komisiju je imenovalo Vijeće ministara BiH 15.06.2006.godine na period od 12 mjeseci tako da je mandat Državne komisije prestao 15. 06. 2007. godine.

Članovi Državne komisije u jednogodišnjem mandatnom periodu bili su:

- 1.Ivica Marinović, bio predsjednik Komisije u periodu od 30.06.2006 do 30.10.2006.godine a nakon toga član;
- 2.Cvjetko Savić, bio je predsjednik Komisije od 01.11.2006. do 01.07.2007.godine,
- 3.Dr. Smail Čekić, član Komisije ,
- 4.Anto Zelić,član Komisije,
- 5.Mirko Prskalo,član Komisije,
- 6.Dr. Enes Pelidija,član Komisije,
- 7.Amor Mašović,član Komisije,
- 8.Miroslav Janković,član Komisije,
- 9.Dobrislav Planojević,član Komisije,
10. Danilo Nikolić,član Komisije.

Na osnovu člana 2. Odluke o formiranju Državne komisije za ispitivanje istine o stradanjima Srba, Hrvata, Bošnjaka, Jevreja i ostalih u Sarajevu u periodu od 1992. do 1995.godine ("Službeni glasnik BiH"br:42/06) Komisija je imala sljedeće zadatke: da na transparentan način i uz primjenu sigurnih i objektivnih metoda utvrdi na području Grada Sarajeva koji je obuhvatio opštine po Statutu Grada Sarajeva iz 1982, godine. Zadaci Državne komisije su bili da ispituje istinu o:

- masovnim i pojedinačnim ubistvima, sa mjestima posmrtnih ostataka žrtava,
- masovnim i pojedinačnim zatvaranjima u logore i zatvore,
- silovanjima i seksualnim zlostavljanjima,
- deportovanim, protjeranim i izbjeglim licima,
- nestalim licima,
- žrtvama upotrebe nedozvoljenih metoda i sredstava ratovanja i civilnim žrtvama rata u smislu ženevskih konvencija i dodatnih protokola,
- zarobljenim vojnim licima i njihovoj sudbini, ubijenim vojnim licima van borbe i nestalim vojnim licima i njihovoj sudbini.

Svaki član Državne komisije primio je po šest (6)mjesečnih naknada u ukupnom iznosu od po 11.520(jedanaesthiljadapetstotinaidvadeset)KM.

Ministarstvo za ljudska prava i izbjeglice BiH obavljalo je administrativne i tehničke poslove za Komisiju (raspoređivanje na rad u Komisiju dijela administrativno-tehničkog osoblja Ministarstva(informatičari,sekretarice,vozači,) organizovanje izrade pečata i štambilja za Komisiju, zakup kancelarijskog prostora, nabavka namještaja, tehničke opreme i kancelarijskog materijala, obračun naknada članovima Komisije na osnovu odluka Komisije itd.).

U informaciji Vijeća ministara BiH koja je upućena Predstavničkom domu Parlamentarne skupštine BiH 19. 03. 2008. godine u vezi sa radom Komisije navedeno je i sljedeće: Komisija je prema Odluci bila dužna dostavljati periodične izvještaje svaka tri mjeseca, a završni izvještaj u roku od 12 mjeseci od formiranja. Nakon isteka mandata Komisija nikada nije dostavila izvještaj koji je u skladu sa

njenim poslovnikom o radu. S obzirom na to da Komisija nikada nije prosljedila usaglašeni izvještaj o radu nisu se stekli uslovi da Vijeće ministara BiH razmatra ovaj materijal. Pri tome je konstatovano da Komisija nije izvršila ni jednu obavezu koja joj je data u nadležnost.

V. Interresorski koordinacioni timovi i radne grupe

Ministarstvo za ljudska prava i izbjeglice BiH u saradnji sa drugim institucijama BiH učestvuje u interesorskim aktivnostima delegirajući svoje članove u koordinacione timove, radne grupe sl.(npr. NATO Koordinacioni tim Vijeća ministara BiH, Radna grupa za pripremu prijedloga Zakona o dijaspori, Radna grupa za pripremu prijedloga Zakona o platama i naknadama u institucijama BiH itd.). Članovima interesorskih timova i radnih grupa iz ovog Ministarstva nije plaćana naknada za njihov rad

■ ■ ■

Kontakt osoba i telefon za eventualnu dopunu podataka o komisijama i interesorskim radnim tijelima: Zoran Dakić, pomoćnik ministra, tel. 703-933.

S poštovanjem,



BOSNA I HERCEGOVINA



Ministarstvo za ljudska prava i izbjeglice
Ministry for human rights and refugees

Broj: 01-50-3348-1/08
Sarajevo, 09.10.2008.godine

CENTAR ZA ISTRAŽIVAČKO NOVINARSTVO
Ferhadija br. 27/ I Sarajevo

PREDMET: Dopuna podataka o komisijama i radnim tijelima
Ministarstva za ljudska prava i izbjeglice BiH, dostavlja se

U vezi sa dostavljenim podacima o komisijama Ministarstva za ljudska prava i izbjeglice BiH i kasnijeg telefonskog razgovora gosp. Azhara Kalamujića, novinara Centra za istraživačko novinarstvo sa kontakt osobom ovog Ministarstva upućujemo Vam i podatke o **naknadama i finansijskim troškovima za 2006. godinu:**

I. Komisija za nabavke Ministarstva za ljudska prava i izbjeglice BiH

1. Kopiju Odluke o imenovanju i djelovanju Komisije za nabavke za 2006. godinu, broj: 01-50-221/06 od 18.01.2006. godine, na osnovu koje su članovi Komisije za obavljene procedure nabavki primali mjesečnu naknadu po 250KM mjesečno, a sekretar Komisije 200KM mjesečno.

II. Državna komisija za ispitivanje istine o stradanjima Srba, Hrvata, Bošnjaka, Jevreja i ostalih u Sarajevu u periodu od 1992 do 1995. godine (u daljem tekstu Državna komisija)

1. Kopiju ugovora o zakupu poslovnog prostora koji je zaključen između Ministarstva za ljudska prava i izbjeglice BiH i Energoinvesta d.d. Sarajevo, broj: 01-50-3886/06 od 09.11.2006. godine za smještaj dijela Državne komisije. Plaćana je zakupnina u iznosu od 1950 KM mjesečno, struja, voda, grijanje i telefon za period od godinu dana.

2. Kopiju ugovora u zakupu poslovnog prostora koji je zaključen između Ministarstva za ljudska prava i izbjeglice BiH i Elektrotehničkog fakulteta, broj: 01-50-3887/06 od 19.10.2006. godine za smještaj dijela Državne komisije. Plaćana je mjesečna zakupnina u iznosu od 900KM mjesečno u koju je bilo uračunata struja, voda i grijanje za period od godinu dana.

3. Kopiju ugovora koji je zaključen između Ministarstva za ljudska prava i izbjeglice BiH i Firme "MOS" d.o.o. broj: 000295-846/06 od 14. 12. 2006. godine koja je izabrana u konkurentnom postupku na osnovu Zakona o javnim nabavkama BiH za isporuku namještaja po specifikaciji i u vrijednosti od 12.294,35KM za potrebe Državne komisije.

4. Kopiju ugovora o isporuci računarske i uredske opreme koji je zaključen između Ministarstva za ljudska prava i izbjeglice i Firme QSS, broj: 14-4077 od 06. 12. 2006. godine koja je izabrana u konkurentnom postupku na osnovu Zakona o javnim nabavkama BiH za isporuku opreme u vrijednosti od 11.997,18 KM za potrebe Državne komisije.

S poštovanjem,



BOSNA I HERCEGOVINA



Ministarstvo za ljudska prava i izbjeglice
Ministry for human rights and refugees

Broj: 01-50-221/06
Sarajevo, 18.01.2006.godine

Na osnovu članova 16. i 55. Zakona o upravi ("Službeni glasnik BiH", broj: 32/02) i na osnovu člana 7. Zakona o javnim nabavkama Bosne i Hercegovine ("Službeni glasnik BiH", broj: 49/04) ministar za ljudska prava i izbjeglice donosi

O D L U K U
O IMENOVANJU I DJELOVANJU KOMISIJE ZA NABAVKE

I

U Komisiju za nabavke (u daljem tekstu: Komisija) imenujem sljedeće državne službenike:

1. Zoran Dakić, predsjedavajući Komisije;
2. Mario Nenadić, član Komisije;
3. Sead Muminović, član Komisije;

II

Komisija djeluje u ime Ministarstva za ljudska prava i izbjeglice (u daljem tekstu: Ministarstvo) i u granicama ovlaštenja određenih Zakonom o javnim nabavkama Bosne i Hercegovine (u daljem tekstu: Zakon) i drugim propisima o javnim nabavkama i odgovorna je Ministarstvu za izvršenje povjerenih poslova.

Komisija na osnovu sredstava utvrđenih Budžetom institucija Bosne i Hercegovine i međunarodnih obaveza Bosne i Hercegovine provodi zakonske odredbe za nabavku roba i vršenja usluga po postupku koji je regulisan Pravilnikom o nabavkama Ministarstva i prema rokovima utvrđenim Planom nabavki Ministarstva za 2006. godinu.

Komisija pokreće zakonski postupak nabavke na osnovu pismenog prijedloga za nabavku koji daje ministar, zamjenik ministra ili sekretar Ministarstva u pravilu 15 dana ranije.

III

Komisija u cilju dosljedne primjene Zakona i propisa ostvaruje saradnju sa Agencijom za javne nabavke i Pravobranilaštvom BiH a po potrebi i sa Uredom za reviziju finansijskog poslovanja institucija BiH.

IV

Mandat članova Komisije traje jednu godinu od 01.01.2006. do 31.12.2006. godine.

Član Komisije može učestvovati u radu Komisije nakon potpisivanja izjave o nepristrasnosti u odnosu na dobavljače i izjave o povjerljivosti uz uvažavanje propisa o slobodi pristupa informacijama u BiH.

Komisija ima kvorum ako su prisutni svi članovi.

Komisija odlučuje javnim glasanjem na sastancima većinom od ukupnog broja članova.

V

Predsjedavajući Komisije usmjerava rad Komisije i obezbjeđuje poštivanje odredaba Zakona i Uputstva o primjeni Zakona o javnim nabavkama BiH.

Predsjedavajući zakazuje sastanke Komisije u pravilu izvan radnog vremena djelujući u cilju zakonite, efikasne i blagovremene realizacije Plana nabavki Ministarstva.

Poziv za sastanak Komisije upućuje se u pismenoj formi članovima Komisije i sekretaru Komisije najkasnije 3 dana prije održavanja sastanka.

VI

O radu Komisije vodi se zapisnik koji sadrži sljedeće: datum i broj održanog sastanka; imena prisutnih članova, kao i imena vanjskih eksperata ako su prisutni, dnevni red, prijedloge i primjedbe, donesene odluke i rezultate glasanja za ili protiv.

Usvajanje zapisnika vrši se na sljedećem sastanku Komisije.

Usvojeni zapisnik potpisuju svi članovi Komisije i sekretar Komisije.

VII

Komisija nakon okončanja postupka nabavke daje pismenu preporuku sa obrazloženjem a odluku o nabavci donosi ministar u saradnji sa zamjenikom ministra i sekretarom Ministarstva.

Ukoliko rukovodioci iz prethodnog stava odbace preporuku Komisije u vezi sa nabavkom o tome će pismeno i sa obrazloženjem informisati Komisiju i dati prijedlog za dalje postupanje Komisije u skladu sa Zakonom.

VIII

Za sekretara Komisije imenuje se Salih Karčić zaposlen u Ministarstvu.

Mandat sekretara Komisije traje od 01.01.2006. godine do 31.12.2006. godine.

Sekretar prisustvuje sastancima Komisije i učestvuje u radu ali bez prava odlučivanja.

Sekretar priprema zapisnike sa sastanaka Komisije; vodi evidenciju o svim izvršenim nabavkama; čuva tendersku i drugu dokumentaciju o provedenim postupcima nabavki osim originalnih finansijskih dokumenata.

IX

Na inicijativu Komisije Ministarstvo može zaključiti ugovor o djelu kojim se angažuje ekspert izvan Ministarstva za obavljanje konsultacija i davanje stručnog mišljenja u vezi sa nabavkama koje zahtijevaju specijalizovano znanje, bez prava odlučivanja.

Ugovor o djelu sadrži ime eksperta sa opisom poslova koje će obaviti, trajanje ugovora o djelu, iznos naknade, kontrolu obavljenog posla i rokove plaćanja.

X

Za uspješan rad Komisije određuju se sljedeće mjesečne naknade:

- predsjedavajućem Komisije.....250KM
- članu Komisije.....200KM
- sekretaru Komisije..... 200KM.

Isplatu vršiti iz budžetske stavke ostale naknade za 2006. godinu.

XI

Odluka stupa na snagu danom donošenja i dostaviće se članovima Komisije i sekretaru.

